



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

29 JANUARI 2021 (JUMAAT)



KERATAN AKHBAR DAN MEDIA ONLINE (KPDNHEP)

29 JANUARI 2021 (JUMAAT)

**Ops Catut 8.0 pantau tiada kenaikan harga
komputer, laptop, tablet semasa PdPR**

Muka 6/7





Rosol melawat kedai yang menjual peralatan elektronik ketika tinjauan di Plaza Low Yat, Kuala Lumpur, semalam.

KPDNHEP lancar Ops Catut 8.0

Pantau harga
alatan elektronik,
komunikasi elak
peniaga ambil
kesempatan

Oleh Saadiah Ismail, Mohd Roji Kawi, Syaherah Mustafa, Muhammad Zulaymini Sufian Sur, Yun Mikaili, Nurul Fatimah Sulaimi, Nurul Amanina Suhaini dan Nur Izzati Mohamad
bhnews@bh.com.my

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) sudah menyerahkan 130 Notis Pengesanan Maklumat Barangan (NPMB) mengikut Seksyen 21, Akta Kawalan Harga dan Anti Pencatutan (AKHAP) 2011 kepada peniaga bagi mengesan jika wujud elemen pencatutan menentusi Ops Catut 8.0 yang dilancarkan 25 Januari lalu.

Ops Catut adalah langkah proaktif diambil Kementerian itu yang menyedari permintaan tinggi terhadap perkakasan komputer, komputer riba, tablet dan mesin pencetak susulan pelaksanaan kaedah Pengajaran dan Pembelajaran di Rumah (PdPR) sejak sesi persekolahan tahun ini bermula.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid, berkata Kementerian akan memantau kenaikan harga secara mendadak dan peniaga yang diberi notis ada tempoh dua hari mengemukakan

maklumat berhubung harga dan kos belian barangan berkenaan bagi suatu tempoh untuk mengesan sekiranya wujud elemen pencatutan.

Katanya, peniaga yang gagal mengemukakan maklumat berkenaan boleh diambil tindakan mengikut Seksyen 21(5), AKHAP 2011, dengan denda tidak melebihi RM100,000.

"KPDNHEP sentiasa memantau harga barangan seperti itu supaya peniaga tidak menaikkan harga barangan sewenang-wenangnya, khususnya ketika negara dilanda pandemik COVID-19. Peniaga yang dikesan mengambil kesempatan menaikkan harga barangan akan dikenakan tindakan tegas.

"Pengguna juga dinasihatkan supaya menyimpan setiap resit pembelian bagi mengelak masalah dan digalakkan untuk membanding harga serta mengetahui ciri-ciri pakej yang hendak dibeli."

Pengguna juga dinasihatkan supaya menyimpan setiap resit pembelian bagi mengelak masalah dan digalakkan untuk membanding harga serta mengetahui ciri-ciri pakej yang hendak dibeli.

Rosol Wahid, Timbalan Menteri Perdagangan Dalam Negeri dan Hal Ehwal Pengguna

katanya ditemui melakukan tinjauan di Plaza Lowyat, di sini, semalam.

Pemeriksaan dilaksanakan selama dua minggu bermula 25 Januari lalu dan hingga semalam, 130 premis sudah diperiksa yang meliputi 262 barangan kelengkapan elektronik, komputer dan komunikasi.

Sementara itu di Kota Bharu, Ketua Pegawai Pengukuasaan Negeri KPDNHEP Kelantan, Azanizam Affendi Juri, berkata pihaknya mengeluarkan enam notis bagi mendapat maklumat harga kepada premis yang menjual kelengkapan elektronik dan komunikasi, bermula 25 Januari lalu.

Tindakan itu katanya, bagi mengenal pasti jika terdapat kenaikan harga yang ketara susulan permintaan tinggi selepas pelaksanaan PdPR.

Pihak kami maklum berhubung isu yang dibangkitkan dalam media sosial mengenai kenaikan harga barangan kelengkapan elektronik dan komunikasi berikutan peningkatan permintaan. Lima barangan disasarkan ialah komputer, komputer riba, tablet, mesin pencetak dan telefon bimbit.

Di Kuching, Pengarah KPDNHEP Sarawak, Datuk Stanley Tan, berkata 19 notis pengesanan maklumat barangan dikeluarkan bagi mendapat maklumat berkaitan kenaikan harga barang elektronik khususnya komputer dan telefon bimbit.

Pemeriksaan dilaksanakan di bawah Ops Catut 8.0 khusus untuk kelengkapan elektronik dan komunikasi bagi memantau dan mengawal kenaikan harga barangan berkenaan.

"Pemeriksaan itu juga bertujuan

Pelanggan memilih komputer riba yang dijual di Mara Digital, Kuala Lumpur, semalam.
(Foto Behnam Shukri/TM)



Pegawai KPDNHEP Kudat melakukan pemeriksaan di premis menjual peranti komunikasi di sekitar Alor Setar, semalam.
(Foto Zulaily Zulfahmin)

memantau dan memastikan setiap peniaga tidak menaikkan harga sewenang-wenangnya dan mematuhi perundangan," katanya.

Di Johor Bahru, Pengarah KPDNHEP Johor, Mohd Hairul Anuar Bohro, berkata berlaku permintaan tinggi terhadap penggunaan alat telekomunikasi seperti telefon pintar dan komputer riba terutama pelajar sekolah dan Institut Pengajian Tinggi (IPT) susulan pelaksanaan PdPR.

Selubungan itu, pihaknya menjalankan pemeriksaan Ops Catut 8.0 hingga semalam, sebanyak 22 notis mengikut Seksyen 21, Akta Kawalan Harga dan Antipencatutan (AKHAP) 2011 sudah dikeluarkan.

Di Ipoh, Pengarah Kementerian Perdagangan Dalam Negeri dan Hal Ehwal Pengguna (KPDNHEP)

negeri, Saifulnizam Kamarul Zaman ketika dihubungi berkata, pihaknya tidak menerima aduan mengenai kenaikan harga alat komunikasi atau peranti elektronik untuk tahun ini setakat 27 Januari lalu.

Bagaimanapun, 15 notis dikeluarkan pengawal kuasa kepada peniaga bagi mengesan jika terdapat elemen pencatutan pada barangan tersebut.

Di Kota Kinabalu, Pengarah KPDNHEP Sabah, George Abas berkata pihaknya mengeluarkan lima notis ke atas lima peniaga kedai elektronik selepas didapati menaikkan harga barang dalam Ops Catut 8.0, kelmarin.

Katanya, operasi itu akan berterusan hingga 8 Februari bagi membanding salah laku atau manipulasi harga oleh peniaga susulan pelaksanaan PdPR.



Permintaan tinggi susulan PdPR, bekalan gajet terhad

Kuala Lumpur: Pelaksanaan kaedah pengajaran dan pembelajaran di rumah (PdPR) berikutan pelaksanaan Perintah Kawalan Pergerakan (PKP) bukan sahaja menyebabkan kejutan norma baharu kepada ramai ibu bapa dan pelajar terutama di luar bandar, malah industri dan pembekal juga dikatakan tidak cukup sedia untuk menampung peningkatan mendadak peranti terutama komputer riba, tablet dan telefon mudah alih.

Berdasarkan tinjauan BH, pelaksanaan PdPR dikatakan menyebabkan kedai peranti berkenaan di seluruh negara terutama yang menjual produk terpakai kini menjadi tumpuan ibu bapa yang tidak mahu anak mereka ketinggalan daripada mengikuti pembelajaran.

Peningkatan mendadak permintaan serta masalah logistik menyebabkan bekalan peranti kini terhad. Dititik pula kesupayaan pengeluaran peranti di beberapa negara seperti China dan Filipina dikatakan terjejas berikutan pandemik COVID-19, harga peranti komputer riba dilaporkan naik antara RM150 hingga RM300 seunit.

Tinjauan di MARA Digital dan Plaza Lowry, Kuala Lumpur mendapati kebanyakan pengunjung mencari perkhidmatan komputer, namun hampir semua stok pada harga mampu milik tiada di pasaran. Juruujual komputer, Faisal Achour, berkata hampir semua penjual perkhidmatan komputer kini berdepan keadaan sukar berikutan tidak stok komputer riba yang boleh dijual kepada pengguna. Kebanyakan stok kini hanyalah spesifikasi tinggi dengan harga lebih RM4,000 dan tidak mampu dibeli oleh kebanyakan pengguna.

"Kebanyakan pelanggan kami inginkan komputer riba pada harga mampu milik tapi dengan spesifikasi rendah yang mampu memampukan penggunaan pembelajaran di rumah.

"Namun malangnya, stok penghantaran dihentikan sementara dari luar negara seperti China dan Eropah disebabkan kekhawatiran penularan COVID-19," katanya.

Tinjauan di Johor Bahru mendapati, peniaga menghadapi masalah kerana permintaan untuk peranti tinggi tetapi stok terhad. Begitupun, peranti digital sama ada baharu atau terpakai tetap mendapat permintaan tinggi pelanggan walaupun harga naik.

Begitupun, majoriti pelanggan adalah dalam kalangan ibu bapa mencekik kerana mereka dikatakan hanya dapat tahu harga peranti selepas bertanya kerana tiada harga dipamerkan.

Kakitangan swasta, Mian Imran, 49, dari Larkin berkata disebabkan peningkatan harga dia datang ke sini untuk membeli pulih peralatan lama kerana kosnya lebih rendah untuk kegunaan tiga anaknya.

"Saya dapat harga komputer riba dan mesin pencetak naik men-



Seorang jurujual di Plaza Low Yat menunjukkan antara komputer riba yang dijual di premisnya di Kuala Lumpur, semalam. (Foto Roberts Sazali/BH)

dadak. Mesin pencetak kebiasaannya anggaran antara RM199 hingga RM209, namun sekarang cecah RM300 kerana ketiadaan stok.

"Komputer riba pula paling murah RM300 hingga RM400 tahun lalu. Sekarang, sekurang-kurangnya RM600 bagi kategori biasa," katanya yang turut memaklumkan bagi khidmat perbaikan komputer riba, ia antara RM100 hingga RM150 bagi semua jenis jenama.

Bagi penjawat awam, Mohamad Azizan Kawi, 34, berkata dengan gaji bulannya RM2,000 dan isteri tidak bekerja, kos membeli komputer memang tinggi kerana model asas sudah berharga RM1,800 seunit.

Peniaga peranti, Hairul Azha, 31, berkata permintaan tinggi ketika ini untuk komputer riba, mesin pencetak dan webcam. Namun penghasilan dari kilang terhad berikutan pandemik COVID-19, itu yang menyebabkan ramai pelanggan berebut.

Di Jertih, Terengganu tinjauan mendapati peniaga peranti komputer, tablet dan telefon mudah alih mendakwa kekurangan bahan mentah dan pengeluaran daripada kilang utama di luar negara menyebabkan harga produk naik, selain permintaan tinggi.

Pengarah Operasi I Whizz technology & consultancy Sdn Bhd Cawangan Besar, Tengku Amdan Tengku Adnan, berkata pembekal memaklumkan mereka mengalami masalah logistik dan terpaksa menaikkan harga produk untuk menampung tambahan kos. Selain itu, penurunan nilai ringgit berbanding dolar Amerika Syarikat turut menyebabkan harga peranti naik.

Pengurus Joe & JC Services, Mohd Hafizul Che Man, pula berkata walaupun harga produk daripada pembekal naik, dia tiada pilihan menaikkan harga kerana tidak mahu stok di kedainya kehabisan.

"Memang terasa kenaikan itu berbanding mula mengusahakan kedai ini sejak 2019, tahun 2020 harga mula naik disebabkan kesan pandemik COVID-19.

"Kebanyakan pelanggan yang datang ke sini mencari gajet dalam

lingkungan harga mampu milik bawah RM2,000 dan stok produk sangat terhad," katanya.

Sementara itu di Butterworth, tinjauan mendapati hampir setiap hari sebuah premis menjual peranti barangan teknologi terkemuka di Perak, di sini dikunjungi ibu bapa yang ingin membeli kelengkapan bagi membekalkan anak mereka mengikuti PdPR.

Pekerja di premis itu yang tidak mahu dikenali berkata, penjualan peranti khususnya komputer riba, tetikus, fon kepala dan mesin pencetak meningkat sejak kerajaan mengumumkan semua pelajar kecuali yang menduduki peperiksaan penting perlu belajar secara dalam talian.

"Boleh dikatakan hampir setiap hari premis ini dikunjungi orang ramai sekali-gus jualan meningkat daripada kebiasaannya. Kami menjual ikut spesifikasi pelanggan, yang biasa bermula RM2,000," katanya.

Di Ipoh, tinjauan di sekitar Greentown di sini juga mendapati premis menjual peranti menjadi tumpuan terutama yang menjual pada harga bajet bagi produk jenama dari China.

Seorang pembeli yang hanya mahu dikenali sebagai Fadina, berkata peranti keluaran China boleh didapati dengan harga murah, tetapi dia bimbang produk tidak tahan lama. Bagaimanapun, disebabkan kekurangan kos dia tetap membeli dan hanya akan menggunakannya untuk kegunaan anak mengikuti PdPR.

Di Kota Kinabalu, harga peranti dikatakan turut naik selepas pengumuman pelaksanaan PdPR. Tinjauan di beberapa kedai telekomunikasi di pusat beli-belah Karomuning mendapati harga peranti seperti komputer riba, telefon pintar serta tablet naik.

Penyelia kedai telefon pintar, Georyleon Alimus, 23, berkata pihaknya mencadangkan kepada ibu bapa membeli telefon pintar pada harga mampu milik antara RM300 hingga RM400 kerana ia sudah memadai untuk anak mereka mengikuti PdPR.



Antara premis di sekitar Kuching yang dipantau anggota dan pegawai KPDNHEP Sarawak, semalam. (Foto Raji Kawi/BH)



Pegawai KPDNHEP memeriksa harga peralatan elektronik dan komunikasi sekitar Kota Bharu, semalam. (Foto Ihsan SPC/BB)

KPDNHEP pantau harga kelengkapan elektronik, komputer

KUALA LUMPUR

- Kementerian Perdagangan Dalam Negeri dan Hal Ehwal Pengguna (KPDNHEP) melancarkan Ops Catut 8.0 bagi memantau harga jualan komputer, komputer riba, tablet, mesin pencetak, telefon bimbit dan alat komunikasi terutama perkakasan internet.

Timbalan Menteri, Datuk Rosol Wahid berkata, sejak Isnin lepas sehingga Rabu, bahagian penguat kuasa melakukan pemeriksaan terhadap 130 premis meliputi 262 barangan kelengkapan elektronik, komputer dan komunikasi.

Menurutnya, sebanyak 130 Notis Pengesahan Maklumat Barangan (NPMB) di bawah Seksyen 21 Akta Kawalan Harga Dan Antipencatutan (AKHAP) 2011 diserahkan kepada peniaga untuk mendapatkan maklumat berhubung harga dan kos belian barangan bagi suatu tempoh untuk mengesan sekiranya wujud sebarang ele-



ROSOL

men pencatutan.

"Peniaga diberikan tempoh dua hari bekerja untuk kemukakan maklumat dan dokumen yang diperlukan. Sekiranya gagal patuh notis tersebut, ia menjadi kesalahan di bawah Seksyen 21(5) AKHAP 2011.

"Kementerian ambil maklum tentang pelajar sekolah yang terpaksa meneruskan pembelajaran secara dalam talian semasa Perintah Kawalan Pergerakan (PKP) dan keperluan terhadap perkakasan komputer, mesin cetak dan aksesori serta kelengkapan komunikasi.

"Mana-mana peniaga yang gagal mematuhi Seksyen 21(5) AKHAP 2011 boleh dikenakan denda tidak melebihi RM100,000," katanya dalam satu kenyataan pada Khamis.

Pengguna juga dinasihatkan menyimpan setiap resit pembelian bagi mengelakkan masalah yang mungkin berlaku pada masa hadapan.

Selain itu, pengguna digalakkan membandingkan harga dan



Penguat kuasa KPDNHEP Terengganu bertanya sesuatu kepada peniaga perkakasan komputer, telekomunikasi dan peranti elektronik ketika Ops Catut 8.0 di Kuala Terengganu pada Khamis.

mengetahui ciri-ciri pakej yang hendak dibeli terutama keperluan pembelajaran dalam talian serta tawaran pakej daripada penjual sebelum membuat keputusan membelinya.

Di TERENGGANU, sebanyak 10 notis dikeluarkan kepa-

da peniaga perkakasan komputer, telekomunikasi dan peranti elektronik.

Pengarah KPDNHEP negeri, Saharuddin Mohd Kia berkata, notis berkenaan diberikan kepada peniaga di Kuala Terengganu, Kemaman, Besut dan Dungun

melalui Ops Catut 8.0 bermula 26 Januari hingga 8 Februari lalu.

Di MELAKA, empat notis di bawah Seksyen 21(5) AKHAP 2011 diserahkan kepada empat premis menjual peranti elektronik seperti komputer riba, tablet dan telefon bimbit sejak Isnin lepas.

Pengarah KPDNHEP Melaka, Norena Jaafar berkata, pihaknya memandang serius situasi semasa berkaitan peningkatan permintaan peralatan elektronik dan komunikasi, sejak pelaksanaan PdPR pada 20 Januari lalu.

"Sejak Isnin lepas, KPDNHEP Melaka menjalankan pemeriksaan dan pemantauan di 10 premis yang menjual peralatan elektronik untuk kegunaan PdPR dan empat notis dikeluarkan kepada empat premis terlibat," katanya.

Norena berkata, peniaga iaitu individu terlibat boleh didenda hingga RM100,000 atau penjara maksimum tiga tahun atau kedua-duanya, manakala bagi syarikat atau pertubuhan perbadanan boleh didenda sehingga RM500,000 jika sabit kesalahan.

Senyap bila turun, melalak bila naik



Salah satu perkara positif yang berlaku semasa Perintah Kawalan Pergerakan (PKP) bermula Mac hinggalah pada Jun tahun lalu ialah harga produk petroleum.

Ternyata RON95 yang digembar-gemburkan secara sarkastik pada harga RM1.50 seliter menjadi kenyataan. Harga petroleum turun pada paras terendah dalam sejarah pada bulan Mei 2020.

RON95 dijual pada harga RM1.25 seliter lebih sebulan daripada 11 April hingga 15 Mei 2020. Ketika itu harga minyak mentah Brent Eropah adalah pada paras USD18.38 hingga USD29.38 setong.

Tiada keluhan dan suara melalak ketika itu. Walaupun pada harga murah, mereka tidak dapat ke mana-mana kerana PKP mengehadkan pergerakan.

Semua senyap saja.

Tetapi apabila harga RON95 naik 5 sen, kemudian naik pula 1 sen mencocah RM1.90 seliter, gegak geramnya dibuatnya. Netizen 'melalak' dalam laman media sosial Kementerian Perdagangan Dalam Negeri dan Hal Ehwal Pengguna (KPDNHEP) bila harga mingguan produk petroleum dimuatnaik. Itulah kenyataan pengguna di Malaysia!

Sekarang ini harga minyak mentah Brent Eropah berada pada paras USD55 setong. Sekiranya harga produk petroleum di Malaysia berkait rapat dengan minyak mentah Brent, maka seharusnya harga RON95 sudah mencocah sekurang-kurangnya RM2 seliter.

Harga petrol di Malaysia

Daripada tahun 2015 sehingga 2019 harga minyak mentah berlegar antara USD40 hingga USD75. Lebih menarik, sejak 2008 hingga ke awal 2020, harga minyak mentah hanya berlegar antara USD55 hingga USD70 setong sebelum menjunam ke paras di bawah USD50 setong bermula Mac hingga November 2020.

Harga minyak mentah Brent Eropah daripada 14 hingga 21 Januari 2021 berlegar sekitar USD55 setong, manakala harga RON95 yang ditetapkan MOF telah mula mencocah RM1.90. Jadi apa yang boleh disimpulkan, penetapan harga produk petroleum di Malaysia bukanlah hanya berdasarkan harga minyak mentah.

Kementerian Kewangan menyatakan bahawa harga produk petroleum ditentukan

secara mingguan menggunakan formula APM. Apa itu APM?

APM bermaksud Automatic Price Mechanism atau Mekanisma Harga Automatik. Ia adalah formula yang digunakan kerajaan sejak tahun 1983.

APM menggunakan Mean of Platts Singapore (MOPS) dan bukannya minyak mentah sebagai asas pengiraan. Hampir semua negara ASEAN menggunakan MOPS termasuk Australia dalam menentukan harga produk petroleum di negara masing-masing.

MOPS mengambil kira harga keseluruhan kos petroleum yang telah ditapis. Di samping MOPS, APM mengambil kira kadar pertukaran wang asing, kos operasi, margin keuntungan pengusaha stesen minyak, margin keuntungan syarikat minyak (OILCO), subsidi dan cukai kerajaan (sekinanya dikenakan). Terlalu teknikal untuk orang awam seperti kita untuk memahaminya.

Portal paulian.org menerangkan bahawa fungsi APM adalah untuk menstabilkan harga petrol dan diesel sehingga batas tertentu; mengambil kira cukai jualan dan subsidi yang berubah-ubah. Dalam kata lain, harga runcit produk petroleum perlu diubah jika perbezaan harga melebihi batas (threshold) cukai dan subsidi mengikut budi bicara kerajaan.

Tetapi tidakkah kita tertanya-tanya, kenapa produk petroleum Malaysia lebih murah daripada negara-negara Asean lain? Kecuali Brunei, harga runcit RON97 ialah BD 0.53 bersamaan RM1.595, berbanding

RM2.20 seliter untuk RON97 di Malaysia.

Petrol yang setaraf RON95 di Thailand dijual pada harga RM4.29 seliter, Vietnam RM3.02, Filipina RM4.03 dan Singapura RM6.21. Malah di Indonesia, negara pengeluaran minyak seperti Malaysia menjual petrol setaraf RON95 pada harga RM2.63.

RON 95 di Arab Saudi pula dijual pada harga RM1.89 dan UAE pada harga RM1.99. Kedua-dua negara ini merupakan pengeluaran minyak yang lebih besar berbanding negara kita.

Namun, tidak semua yang akan terima fakta perbandingan ini. Helah seperti beza upah, gaji dan kos sara hidup sering digunakan. Tetapi kadang-kala perbandingan itu perlu, seperti juga harga barang keperluan lain.

Menurut pakar Carigali dari Petronas, minyak mentah ada dua jenis: manis (sweet) dan masam (sour). Minyak mentah di bumi Malaysia hampir semua adalah jenis manis.

Pusat penapisan minyak di Kerteh, Melaka dan Pengerang menghasilkan petrol dan diesel dengan mencampurkan minyak mentah manis dengan minyak jenis masam. Minyak jenis masam perlu diimport dan ini menambah kepada kos pengeluaran.

Subsidi atau tiada subsidi

Pada 5 Jun 2008, kerajaan ketika itu menaikkan harga petrol RON92 sebanyak 74 sen kepada RM2.62 seliter (39 peratus) dan diesel sebanyak RM1 kepada RM2.58 seliter (63 peratus).

Itulah kenaikan harga petrol terbesar dalam sejarah negara dan harga barang ketika itu melonjak mengakibatkan inflasi yang tinggi.

Apabila harga minyak dunia turun semula, kerajaan Malaysia mengumumkan penurunan harga runcit minyak. Proses berbilang sehinggalah satu masa kerajaan menetapkan harga siling RM2.20. Kerajaan baharu kemudian menetapkan harga siling RM2.08 sejak 1 Februari 2019.

Ironinya, harga barang keperluan tidak turun sejajar dengan turunnya harga petrol sepertimana harga barangan naik apabila harga minyak naik.

Harga maksimum produk petroleum

Harga RON95 dijangka naik mencapai paras psikologi RM2 seliter tidak lama lagi. Pada ketika itu rakyat akan tertanya-tanya, apakah tindakan kerajaan?

Apakah kerajaan akan menetapkan harga maksimum atau harga siling seperti kerajaan terdahulu dan bagaimana harganya? Adakah kerajaan akan mengupayakan harga mengikut harga pasaran atau memperkenankan subsidi bersasar?

Harga siling akan menyebabkan kerajaan menanggung subsidi yang besar terutama apabila harga pasaran jauh lebih tinggi daripada harga siling. Harga siling atau subsidi pukal juga menyebabkan ketidakseimbangan di mana rakyat berpendapatan tinggi yang berkenderaan besar lebih banyak menikmati subsidi petrol berbanding yang berpendapatan rendah yang hanya memiliki motor dan kenderaan kecil. Rakyat lebih suka pendekatan ini kerana tidak menyusahkan mereka.

Mekanisma pengupayaan harga produk petroleum ikut harga pasaran pula akan membebaskan rakyat sekiranya harga minyak dunia melambung tinggi sekali gus mencetuskan keresahan dan kemarahan rakyat.

Kerajaan boleh pilih jalan tengah dengan memberikan subsidi berbentuk tunai kepada golongan sasar dan pada masa yang sama mengupayakan harga produk petrol. Ini perlukan kajian yang mendalam dari segi penjimatan, kesan inflasi dan mekanisme pelaksanaan.

Walaupun polisi yang dipilih, sejarah telah membuktikan bahawa kerajaan Malaysia sentiasa prihatin rakyat dan kos sara hidup. Harga produk petroleum di Malaysia masih boleh dikira sebagai yang terendah di dunia lantaran subsidi yang telah diserap dalam harga runcitnya.

Kita sebagai rakyat harus bersedia untuk terima hakikat ini: yang berpendapatan tinggi tidak mendesak kepada subsidi petrol. Yang berpendapatan rendah dan sederhana pula harus bijak berbelanja, menggunakan kenderaan yang cekap penggunaan petrolnya dan sentiasa mengoptimalkan penggunaan petrol.

Bersyukurlah!

HARGA RUNCIT PRODUK PETROLEUM

23 JANUARI 2021 - 29 JANUARI 2021

	RON 95	RM1.90 (seliter)	↑ 1 SEN
	RON 97	RM2.20 (seliter)	↑ 1 SEN
	DIESEL	RM2.09 (seliter)	↑ 4 SEN

Harga runcit produk petroleum di Malaysia ditetapkan secara mingguan oleh Kementerian Kewangan (MOF) berdasarkan Mekanisma Harga Automatik (APM)



DEALING WITH SHORTAGE

Lack of supply from Sibu forces traders in Kapit to limit sale of subsidised packaged cooking oil >4



An officer checking to ensure sufficient cooking oil supply in Kapit.

SARAWAK

Cooking oil shortage in Kapit

By ANDY CHUA
andychua@thestar.com.my

THERE is a shortage of cooking oil in Kapit as traders are not getting enough supply from Sibu.

Domestic Trade and Consumer Affairs Ministry Kapit branch chief enforcement officer Al-Redzamani Abdul Razak said that because of this, some traders in Kapit had to control the sale of cooking oil to prevent panic buying.

This came after the enforcement of the conditional movement control order.

The ministry's guideline is that each customer is only allowed to purchase a maximum of three units of cooking oil, with each container weighing 1kg.

Al-Redzamani said his enforcement team would liaise directly with 10 selected retailers appointed as Dedicated District Retailers (DDR) within Kapit Division, including Song and Belaga districts, should there be a problem with the supply source from wholesalers in Sibu.

"Kapit does not have cooking oil packaging companies and wholesalers, which is why the traders

have to rely on suppliers from Sibu for not only packaged cooking oil but other basic necessities such as wheat flour, granulated sugar and rice," he said.

However, Kapit town has several grocery stores which have been appointed as Point of Sales under the Price Standardisation of Essential Goods to ensure the availability of packaged cooking oil supply in the market.

A 1kg packet of cooking oil is sold at RM2.50 each under the Oil Price Subsidy Rationalisation Scheme Programme.

Senarai Harga Barang Koperluan	
• Ayam	RM5.90
• Daging Lembu Tempatan	RM34
• Daging Lembu Import	RM18.90
• Telur Gred A	RM9.99
• Ikan Kembung	RM8.99
• Minyak Masak	RM5.80
• Gula Pasir	RM2.85
• Bawang Besar Holland	RM3.20
• Bawang Putih	RM2.99
• Cili Merah	RM8.88
• Kubis Bulat Tempatan	RM3.80
• Tepung Gandum	RM2.59

*Harga (RM/kg) Sumber: KPDNHEP